



**EKSKLUZIVNO** **Darko Ćulum, direktor SIPA-e, govori za 'Avaz'**

# ILEGALNE MIGRACIJE SU SIGURNOSNI IZAZOV



**Imamo ljudske i materijalno-tehničke kapacitete koji mogu odgovoriti najsloženijim sigurnosnim izazovima, ali može bolje • Dok sam na čelu SIPA-e, radit ću časno i po zakonima, kaže Ćulum**

**D**ržavna agencija za istrage i zaštitu ima ljudske i materijalno-tehničke kapacitete koji mogu odgovoriti na-

jsloženijim sigurnosnim izazovima, međutim, uvijek može bolje. Kaže ovo za „Avaz“ Darko Ćulum, direktor SIPA-e. Imajući u vidu posljednja

dešavanja u našoj zemlji i svijetu, kaže da će insistirati na intenziviranju saradnje između sigurnosnih struktura u BiH na svim nivoima. **3. strana**

**EKSKLUZIV** Darko Culum, direktor **SIPA-e**

# Ilegalne migracije su sigurnosni izazov

Imamo ljudske i materijalno-tehničke kapacitete koji mogu odgovoriti najsloženijim izazovima, ali može bolje

Državna agencije za istrage i zaštitu (SIPA) ima ljudske i materijalno-tehničke kapacitete koji mogu odgovoriti najsloženijim sigurnosnim izazovima, međutim, uvijek može bolje. Kaže ovo u razgovoru za "Dnevni avaz" Darko Culum, direktor ove državne policijske agencije.

## Pranje novca

Culum, iskusni policajac sa 30 godina staža u službi, na ovu poziciju je imenovan prije dva mjeseca. Kako nam je rekao, ta dva mjeseca proveo je, uglavnom, upoznavajući se s predmetima na kojima radi

**Državna agencija za istrage i zaštitu.**

- Prioriteti rada **SIPA-e** bit će borba protiv terorizma kao globalne prijetnje koja ne poznaje granice i najvećeg bezbjednosnog izazova današnjice, te svih vidova organizovanog kriminala, s akcentom na korupciju, pranje novca, trgovinu i krijumčarenje ljudi, koji su brana napretku društva, prije svega EU integracijama – istakao je.

Kako je rekao, trudit će se da rezultate **SIPA-e** u narednom periodu podigne na još viši nivo, s namjerom da bude na pozicioniranju i pre-

## Zaposliti mladi kadar

- Jedan od prioriteta u radu bit će, svakako, podmlađivanje policijskog kadra zapošljavanjem obrazovanih mladih ljudi – kadeta, koji će nakon pohađanja adekvatne obuke biti sposobni da odgovore potrebama i zahtjevima po-

poznatiji u međunarodnoj i međuagencijskoj saradnji.

Imajući u vidu posljednja dešavanja u BiH i svijetu, kako kaže, insistirat će na intenziviranju saradnje između sigurnosnih struktura u BiH na svim nivoima, kako bi se zajednički odgovorilo na najsloženije sigurnosne izazove, kao što je aktuelno

slova koje će obavljati. Također, materijalno-tehničko opremanje Agencije vrlo je važan segment za efikasno obavljanje poslova i zadataka i predstavlja jedan od preduslova za efikasno provođenje istraga na terenu - smatra Culum.

pitanje u vezi s ilegalnim migracijama, s posebnim akcentom na proaktivno djelovanje.

- Ovo potvrđuju moji svakodnevni sastanci s predstavnicima pravosudnih i policijskih institucija u BiH – kaže Culum.

Poručuje da će posao koji obavlja raditi profesionalno i časno, u skladu sa zakonom i profesionalnim kodeksom, što očekuje od svih službenika SI-

## Sve po zakonu

- To znači da će **SIPA**, sa mnom na čelu, sigurno postupati profesionalno i zakonito te prema svima jednako. Mi ćemo svaki posao u konkretnom predmetu obaviti profesionalno i do kraja. Nikada ne postupamo prema građanima na osnovu njihovog opredjeljenja, odnosno njihove nacionalne, vjerske, jezičke ili druge opredijeljenosti – istakao je Culum.

M. AŠČIĆ

